



Шогшо эл, порымш да гим верг!

Будь готов/ ЯМДЕ ЛИЙ

1933 ий 1 февраль годсек лектеш.

0+

Фотопроект



2020 ийын
кокимшо пелийжы-
лан «Ямде лий»
газетлан
ПОДПИСКЫМ
ЫШТЫЗА!



1 гыч
10 июнь
марте
Подписке
декаде эрта-
ралтеш. Ту-
нам шулдырак ак
дене возалтын
кертыда.
Ак – 298 тенгеат
62 ыр.

Рекламе.

*«Ямде лийлан»
возалташ
Ит юватыл
тый, йолташ!*

Подписчик -
влак коклаште
лотерейым эртарена.
Эн кугу пöлек –
электроконга.


Подпискым ыштен,
квитан-
цийым
але ко-
пийжым
редак-
цийыш
колтыза.



Индекс –
П4696.

Фотом еш архив гыч налме.

СНИМКЫШТЕ Параньга посёлкысо кыдалаш школын 11-ше классыштыже тунемше Тимофей РУБЛЁВЫМ ужыда. Рвезе спорт ориентирований да спорт радиопеленгаций дене пенгыде кылым куча. Ятыр тагасымашыште вийжым терга: спорт ориентирований дене «Марий шыже» республикысе тагасымаш (1-ше вер), А.Г.Чирковым шарныме лүмеш Параньга районын первенствыже (1-ше вер), Йошкар-Олан первенствыже (2-шо вер), Богдановмытын IV кубокышт (2-шо вер), РМЭ-н кубокшо (1-ше вер), Тунемше-влакын республикысе турслётгышт (1-ше вер) да молат. Медаль ден грамотшо-влакым шотлен от пытаре. Спорт ориентирований дене икымше разрядше уло.



Тунемаш полшат

Школлаште дистанционный тунеммашке куснымеке, шуко шочшан, начар илыше ешласе йоча-влак нелылыкш логалыныт: икшыве-влаклан компьютер ок сите. Ешыште 9-ше да 11-ше класслаште тунемше-влак улыт гын, йондымылык утларак шижалтеш. Тыгай еш-влаклан полшаш шонымаш дене Россий мучко «Помоги учиться дома» акцияым увертарыме. Тудо сентябрь марте шуйна.

«ПС Софт» IT-компанийын ассоциацияже Марий Эл Республикыште акцияшке ик эн ончыч ушнен. Шуко шочшан ешыште кушшо 9 икшывылан компьютерым пуэн. Тыгай пиал Оршанке кыдалаш школышто тунемше, шуко шочшан еш гыч Анна Беляковалан (**снимкыште**) логалын. Анна «4» ден «5»-лан тунемеш. ОБЖ, физкультур да марий йылме дене районысо да республикысе олимпиадылаште шинчымашыжым терга. Спорт дене пенгыде кылым куча: «КЭС-БАСКЕТ» районысо танасымашыште сенгыше лийын. Анна тыгай пӧлеклан таум ойла..

Л.ГРИГОРЬЕВА ямдылен.



Йошкар пеледыш пайрем икымше гана 1920 ий 27 майыште Шернурышто лийын. Тудым эртарыме нерген Виче (Вятка) губернийысе национальность-влакын II губернский погыныштышт пунчалме. **Снимкыште:** Пеледыш пайремым чумырышо марий драматург А.Ф.Конаков.

*Тумна кычкара – игече йӱкшемда.
Калык пале.*



Поро йӱла ок мондалт

Морко район Шӱргыял школысо «Рвезе тукым» йоча ушем куд направлений почеш пашам виктара. Ушемыште – 24 тунемше. 4-ше классым тунем пытарыше икшыве-влакым кажне ийын Пионерий кечын пионер радамыш пуртена. Теният «Рвезе тукым» йоча ушемын чолга тунемшыже-влак Пионерий кечын «Коча-кованан пионер жапышт» акцияшке онлайн ушнышт. Теве снимкыште Геннадий Скворцов коваже С.Н.Михайлова деч пионер радамыште лийме жапшым йодыштеш.

Е.В.ГРИГОРЬЕВА, школын вожатыйже.



Фотом еш архив гыч налме.



2020-2021 ийлаште Марий Элыште, нацпроект дене келшышын, у йоча-сад-влак чоңалтыт. Чылаже 1585 вер ешаралтшаш. Кызыт ныл йоча-сад ямдылалтеш: Йошкар-Олаште – кокыт, икте – Медведыште (кажныже 320 веран) да Килемар районысо Визимьярыште (50 веран). Ончыкыжым Медведево посёлкышто да тиде районысо Руэмаште (100 вер), Нурмаште (55 вер) да Йошкар-Олаште (320 вер) йоча-сад-влакым чоңаш тӱналыт.

Национальные проекты «Кажне ученикын успехше»
Образование
федерал проект почеш, Оршанке районысо Кугу Орша школын спортзалжым олмыктат. Туврашым, пырдыжым, кӱварым, тыгак спортзал пеленысе кудаשמечийыме пӧлемлам шотыш кондат. Чыла пашалан 3 миллион тенгем ойырымо. У спортклубым почаш спорт оборудованийым да инвентарь-влакым наледат.

4-9 ияш йоча-влаклан келшыше йомакым, ойлымашым возаш мастар улыда гын, «Мистер Добрый дом» онлайн-конкурсш ушныза. Пашам еш дене возаш лиш. Конкурсш ик йомакым але ойлымашым 1 июнь марте zmetelkina@mail.ru электрон адресш колтыза. Пашам сӱрет дене сӱрастараш лиш.

«Сириус» тунемме рӱдер 2020 ий ноябрьыште 7-9-ше класслаче йоча-влаклан «Информатика. Регионы» теме дене тунемме программым эртара. Тушко ушнаш конкурс эртыман. Йодмашым 26 май марте пуаш лиш. Уверым sochisirus.ru/obuchenie/nauka/smena639/3116 сайтыште ончыман.

31 майыште Республикысе марий тӱвыра рӱдер «Колумб лудмаш» поэзий конкурсым онлайн эртара. Танасымашке тунемше да студент-влак ушнен кертыт. Ик почеламутым лудмым видеош войзен, 26 май марте mari-centr@mail.ru электрон адресш колтыман. Лекше йодышым 45-88-51 номеран телефон дене рашемдыман.



ныш марий йылмым туныктышо О.Н.ВАСЕНИНА вуйлата.

– Оксана Николаевна, историй музейым почаш могай амал лийын?

– Школын выпускникше Рустам Сафинин үмыржө 1996 ийыште Чечня сарыште кўрылтын. Тылеч вара каже ийын школышто Шарнымаш кечым эртарена. Тушко ешыжым, йолташыже-влакым ўжына. Тунам школышто Рустамлан пөлеклалтше музей сынан лукым ышташ шонымаш шочын. 1996 ий сентябрьыште республикыште ик эн ончыч кадет классым почынна. 2007 ийыште историй лукым келыштаренна. Рустамын ачаже эргыжын серышыже-влакым, кительжым, түрлө арверым пуэн. 2008 ийыште лукым тоштерыш савыренна. 2010 ийыште тоштерыште Р.Сафинлан пөлеклалтше «Тудын подвигше курымышлык» мемориал комплексым почынна.

– Школ тоштерда илышын түрлө шөрнжым авалта. Экспозиций-влак могай тематикылан пөлеклалтше улыт?

– Семёновко кундем гыч Афган сарыште ныл енын үмыржө кўрылтын. Сандене Афган сарлан пөлеклалтше стендым ыштенна. Кугу Ачамланде сарын ветеранже, тылыште тыршыше-влаклан посна пөлка уло. Кадет-влак нерген экспозицийым келыштаренна, фильмым войзенна. Тылеч посна школын историйжым шымлена, «Овощевод» совхоз нерген шымлыме пашам шуктена. Этнокультур йыжынымат өрдыжеш огына кодо.

– Түрлө проектым илышын шындареда да пашада-влак дене түрлө конкурсышто сенгышыш лектыда. Лудшына-влакымат палдарыза.

– 2009 ий гыч тоштер экспозиций республиканский конкурсышто тагасена: ятыр гана икымше лийынна, 2-шо, 3-шо верламат налынна. «Человек на войне» республиканский проект радамаште «Музейная тропа

Семёновко селаште верланьше 21-ше номеран школышто историй тоштер 2008 ий гыч пашам ышта. Тудым Россий Федераций общий образованийын почётан пашаенже, кугыжатуныктышо

по Семёновскому округу» проектым возенна. Кугу Ачамланде сарын ветеранже-влак дене вашлийын мутланенна, кажныж нерген презентацийым ыштенна. Тачысе кечылан ты кундемаште ик ветеран – Пётр Елисеевич Белик – гына кодын. «Дети войны» альбомым чумырымашке тунемше-влак кумылын ушненят. 2018 ийыште школысо «Шарнымаш книгам» ямдылаш тўналынна. Йоча-влак сарыште лийше родо-тукумышт нерген уверым погат. Кугурак

2020 ий – Шарнымаш да чап идалык.



Самырык тукум шымла

к л а с с л а ш т е т у н е м ш е - в л а к « У р о к и Мужества. Мы этой памяти верны » всероссийский проектыш ушненят. Ты сомылым «Боевое братство» всероссийский организацийын Марий Элысе пөлкаж дене пырля э р т а р а т .



Тунемше-влакын сенгымашышт ятыр. Аня Гуляева, Катя Корякова, Таня Богомолова (11-ше класс), Аня Короткова (8-ше класс), Елисей Смирнов (6-шо класс) тоштер пашам виктарымаште ўшанле польшкалыше улыт.

Ўмаште «Лучший музей, посвящённый увековечению памяти защитников Отечества» всероссийский конкурсын регионсо этапшытыже 3-шо лийынна. Сталинград кредалмашын историйжым тениш шымленна, тушто кредалше земляк-влак, Марий кундемын олам угыч нөлташ полшымыж нерген пален налынна да экспозицийым келыштаренна. Тудын почеш видеоэкскурсийым эртарена.

Л.ГРИГОРЬЕВА мутланен.

Пленыш логалын

Кугезе кочамын лүмжө – Лаврентий Сидорович Аблинов. Тудо 1903 ийыште шочын. Кугу Ачамланде сарыш 1942 ий 20 январьыште каен. 9 тылзе пленыште лийын. Куржаш төчен, йолжо эмганен. 1945 ийыште мөнгыжө пörтылын. Йошкар Шүдыр орден да «За победу над фашисткой Германией» медаль дене палемдалтын. Яндар кавам пөлеклымыжлан кочам ончылно вуем савем.

Элина АБЛИНОВА.

Кужэнгер школ.

Сенгымашлан – 75 ий

«Ямде лий» 2020 ий 23 май





2020 ий – Шарнымаш да чап идалык.

«КАТЮША»

Муралте, «Катюша»,
муралте яндарын,
Йонгалтше муретше яжон.
Муретше ешарыже капыш ўнарым,
Атакышке ўжшө шўм-чон!
Рашкалте вуйлеп гычын
опкын тушманым,
Йўлате тулет ден виян!
Тетла ынже тошко
мемнан эрык мландым,
Каварыже сут курымлан!
Ялт кўдырчө гае куатле муретше
Ўжеш сенымашке мемнам.
Кө тыйын мурет ден
атакыш пурен гын,
Тушманым сенен кеч-кунам.
«Катюша», «Катюша»,
куан кумыл нўлтын,
Муретым гына вучена.
Мурет ден содорын
у бойыш кынелын,
Тушманым сенаш каена.

В.РОЖКИН.

Факт

Марий кундемлысе калык «Марийский колхозник» самолёт эскадрильям, «Марийский богатырь» танк колонным чонаш оксам поген колтен. Ўдырамаш-влак тукым гыч тукымыш куснышо шергакан сўрастарыме ший арверыштым пуэзыт. Республикыште 259 килограмм шийым погымо.

Лийже тыныс тўнямбалне!

Сар.
Могай шучко шомак.
Кунар шинчавўд йоген, мыняр
йоча тулыкеш кодын. Кугезе
ковам Елизавета Прокофьевна
Васильева Провой кундем Озерки
ялыште ила. Тудлан – 85 ий. Сар
тўналме жапыште Лиза кугезе ковамлан 7
ий лийын. Сар жапым шарналтен, шинчаон-
чалтышыже ойганеш. «Пеш неле ыле.
Ушешем кодшо пиалан тат «Сар пытен! Сар
пытен!» шомак-влак улыт. Тек огеш лий шучко
сар. Тўнямбалне тыныслык кўлеш», – оила
кугезе ковам.

Анна ВИНОГорова.
Звенигово, 2-шо номеран
Красногорский
школ.

Сенымашлан – 75 ий

Партизанке Зоя лўмеш

К у г у
С е н ы -
м а ш л а н
7 5 ий
т е м м е
в а ш е ш
М о с к о
в о к т е н ы -
с е Р у з а
о л а к у н -
д е м ы ш т е
в е р л а н ы ш е
я л ы ш т е
«З о я» т о ш т е р
к о м п л е к с ы м
п о ч м о . Т у д о
6 г е к т а р
к у м д ы к ы м
а й л а .
Т о ш т е р
к о м п л е к с
С о в е т
У ш е м ы н
Г е р о й ж о
З о я К о с м о д е м ь я н с к а я
л а н д а
М о с к о
в е р ч к р е д а л ш е
т ў ж е м
д е н е с а л т а к л а н ,
к а л ы к л а н
п ў л е к л а л т ы н .
1 9 4 1 и й ш т е
к о м с о м о л к а ,
п а р т и з а н к е
1 8 и я ш
З о я м т и д е
я л ы ш т е
ф а ш и с т -
в л а к к а з н и т л е н ы т .
З о я К о с м о д е м ь я н с к а я
ў д ы р а -
м а ш - в л а к
к о к л а г ы ч
С о в е т
У ш е м
Г е р о й
ч а п л ў м ы м
и к ы м ш е
н а л ы н .



1956
ийыште Зоя
Космодемьянская
лўмеш тоштерым
Петрицево ялыш-
те почмо.

«Зоя» комплекс у тоштерым, Кулик колхозницын
пўртшым (тушто Зоя казнитлыме деч ончыч
пытартыш йўдым эртарен), самырык ўдырым каз-
нитлыме вереш шогалтыме мемориалым, Зоян
ончычсо шўгаржым (вара тудым Москосо
Новодевичье шўгарлаш тоеныт), тошто музейыш-
те верланыше Самырык разведчикын пўртшым
уша.

У тоштерыште 8 тематический зал уло.
«Курымашлык полк» шарнымаш заллан кугу верым
ойырымо. Совет Ушем Герой-влакын лўмыштым
возыман «Стена героев» стендым келыштарыме.

Л.ГРИГОРЬЕВА ямдылен.



Татарстан Республик Агрыз район Буймо
школын тунемшыже-влак Андрей ШУР-
МЕТОВ ден Ксюша МИЛЯЕВА «Сенымаш
окна» акцияш
ушненыт.



«Ямде лий» 2020 ий 23 май

Лүм: Валентин Александрович Котик (Валя Котик).

Шочын: 1930 ий 11 февраль, Украина, Хмелёвка села.

#пионер ГЕРОЙ

2020 ий – Шарнымаш да чап идалык.



Подвиг: 1941 ийыште 11 ияш Валя Котик немыч машина гранат дене пудештарен.

И.А.Музалёвын вуйлатыме партизан отрядыш 1943 ийыште ушнен. Немыч-влакын телефон линийыштым муын, нуным кыл деч посна коден. Куд күртныгорно эшелоным, шуко складым пытарымаште лүддымылыкым ончыктен.

1944 ийыште үмыржө лугыч лийын.

Чап: Отечественный война, Ленин орден-влак, «Партизану Отечественной войны» медаль дене палемдалтын.

Моско, Бор, Шепетовка, Симферополь олаш-те, Самара кундемсе Ягодное селаште пионергеройлан памятник уло. 1958 ийыште Совет Ушем Герой лүмым пуымо.



Сарын кышаже

Мурым мурен коден

Кугезе ковам Клавдия Петровна Янгелова (снимкыште шолыж дене) сар тўналме годым 14 ияш лийын.

1941 ийыште ачажым, Сакар

Пөтырым, сарыш нангаеныт. Кугу корныш тарванымыж деч ончыч тыгай мурым мурен коден:

«Мўндыр волгенче волгалтарыш – Неле тольо пычкемышлан.

Мўндыр күдырчет күдыртале – Неле тольо кў курыклан. Сельсовет кагазым кучыктыш да, Неле тольо мыланем. Мыйже каен колтем да, Мўндыр кагаз толеш гын, Неле толеш тыланда. Меже каен колтена – Теже ончен кодыда. Йўкна кодеш ўмыреш ойлашда. Ушкал чизи гай ныл шочшем уло. Тиде шочшем кокла гычын Вўльö чизи гай кок эргым кодеш. Ой Плагием, Плагием, Кö тыланет полшаш тўналеш?»

Ачажын сар корныжо кўчык лийын. 1942 ийыште Ленинград областысе Старорусский район воктене кредалмаште вуйжым пыштен.

Настя ИВАНОВА.

Морко, Коркатово.

Война нерген муро эртак – тыныс верч. J.O.Y.P.

Палаш онгай

Снимкыште:



П.М.Горюнов лүмеш СГ-43 пулемётан окса. Пётр Максимович Горюнов – лўйкалыме оружыйын конструкторжо, икымше степеня Сталин премийын лауреатше. СГ-43 пулемётым сарыште

1943 ий июнь тылзе гыч кучылташ тўналыныт.



Шўмыштына – Курымашлык тул

Кужэнер районысо Нурсола ялыште Кугу Ачамланде сарын участникше-влак лүмеш памятникым 2013 ийыште шогалтыме, Курымашлык тулым кельштарыме. Ял гыч сарыш 41 ег каен, 21-же коленыт. Ялысе калыкын родотукуымжо 1418 кече кредалын. Тошто памятникыште сар гыч пöртылшö-влакын лўмыштым ончыктыммо огыл. Садлан Севериан Александрович Морозов нунын фотографийышт дене стелым почаш шонен пыштен. Паша ышталтын. Ме землякна-влак дене кугешнена да шарнаш тўналына.

Ю.А.МОРОЗОВ, туньктышо.

Петр I – 350 ий

Петр I пöлеклалтше викториныште («Ямде лий» 2020 ий 14 март) сенгышыш Марий Турек район Хлебниково школын тунемшыже-влак **Ксения КИБАРДИНА ден Юлия КУКЛИНА** лектыныт. Нуно чыла йодышлан чын вашмутым пуэныт, пашаштым презентаций дене сöрастареныт. Нуным редакцийыште пöлек вуча.



Сенымашлан – 75 ий

«Ямде лий» 2020 ий 23 май



2020 ий – Шарнымаш да чап идалык.

Каваште мыняр самолёттым ужыда?




Факт

Кугу Ачамланде сарыште миллион наре ўдырамаш кредалын. 80 тўжем ўдырамаш совет офицер лийын. Совет Ушем Герой чаплїм дене 87 ўдырамаш палемдалтын.



Глеб ЛЕБЕДЕВЫН сўретше. Медведево, Руэм.

Пырля сўретлена



С.Вишневскийын шочмыжлан – 100 ий.

Семен Алексеевич Вишневский 1920 ий 23 майыште Волжский район Памар селаште шочын. Памар шымияш школым тунем пытарымеке, Йошкар-Оласе музык да театр техникумышто шинчымашым поген. Вара



«Марий коммуна» газет редакцияшыште пашам ышташ тўнгалын. Кугу Ачамланде сарым тўналтыш гыч мучаш марте эртен.

Икымше почеламутшо 1936 ийыште Звенигово районсо «Марий пролетарий» газетыште савыкталтын. Сылнымут пашаже Кугу сар жапыште чот виянын. Тыгодым кум почеламут сборникше лектын. 1970 ийыште Семен Вишневскийлан «Марий АССР-ын калык поэтше» чаплўмым пуымо.

Паша:

1.Шола могырышто поэтын почеламутлаж гыч корнылам пуымо.

2.Пурла могырышто –

калыкмут-шамыч.

3.С.Вишневскийын шонымыжлан келшыше калыкмутым муаш кўлеш.

В.СМИРНОВ ямдылен.

С.Вишневскийын ойлымыжо	Калыкмут
Шочмо-кушмо эллан Мый почнем шўмемым.	Шочмо мланде чылалан шерге.
Пиалым муаш пешак йөсө.	Илыш тўжемле савыртышан.
Тыгае, витне, шочмо вер, Кид деч посна шкеж дек шупшеш.	Йот элыште шкетын – йомшо комбиге гане.
Вет илыш – мучашдыме шўдыш, Огеш керт ош лумла шулен.	Айдеме пиалым кычалеш.
Тора вершорым мый ончы- шым öрын.	Кинде – тиде илыш.
Вет кинде – айдемын вий, Вет кинде – айдемын поянлык.	Ик корно гыч чыла корныш каяш лиеш.
Вет кажне енын Корно уло шкенжын.	Калыкым йöратет гын, калыкат тыйым йöрата.
Шўмбел калыкем, тыйым мый йöратем.	Родиным йöратымаш тулыш- тат ок йöлө, вўдыштат ок нөрö.

Сенгымашлан – 75 ий



«Ямде лий» 2020 ий 23 май

Печать да массовый коммуникаций шотышто федерал агентствын окса польшыж дене лукмо.





Мастар кид
Шөршүдүм шүртө гыч тыге ыштан лиеш.



Тамлын ұпшалтеш



Кундемыштына сылне шошо озалана. Канде каваште кече шыргыжеш. Леве мардеж пуалеш. Йырваш пеледалтеш. Куэрлаште шүшпик шүшка. Вашке мотор кенеж толеш.
Софья МАЛАХАЕВА.
Советский, Шуарсола.

Синквейн

Ильш
Чулым, писе.
Кушта, вианда, туныкта.
Кажнылан йоным пуышо.
Виктышна.
Кирилл НИКОЛАЕВ.
Морко, Шүргыял.



Тулшолла йошкарген, шошо кече лектеш. Ломбо, олмапу, вишне, сливе да моло пушентат ош тувырым чиен шогалше ўдыр гай койыт. Чылан пеледалтыт. Тамлын-тамлын ўпшалтыт. Пашаче мўкш-влак ызгат, тамле мўйым погат. Кайык-влак, куанен, сылне мурыштым муралтат. Тиде жапым шукертак вученам!

Надя ВОЛКОВА.
Шернур, Лажъял.


Рушарнян

Мыйын каныш кечем – рушарня. Тиде кечын урокым ыштем, коваемлан польшкалем, яндар юж денат шўлалташ лектам. Мыйын шонымаште, каныш кече чылалан кўлеш.

Ксения ИВАНОВА.
Советский, Кельмаксола.

**23 май –
Черепахын
тўнямбал кечыже.**

Сўретым чиялте.



Палаш огай

☺ **Черепахе-влак Мландыште 220 миллион ий наре илат.**

☺ **Нуно Антарктидыште веле огыт иле.**

☺ **Южо черепахе-влак йўде-кочде ик ий утла илен кертыт.**

☺ **Теңызыште илыше (морской) черепахе-влак дельфинын «йыл-мыжым» умылат.**

«Ямде лий» 2020 ий 23 май



Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdellii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийште погым да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службын Приволжский федеральный округысо управленийыштеже регистрироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт тўрлў лийын кертыт. Серыш-влак мўнгеш огыт колталт.
Ак – кутырен келшыме почеш.

Редакцийын да издателынын адресше:
424006, Йошкар-Ола, СССР Вооружённый Вийын 70-ше идалькше урем, 20-шо пўрт.
Тел. 8(8362) 45-22-82(факс)

Конкурс

Мыйын сурт сомылкам



Захар РОМАНОВ.
У Торъял, Тошто Торъял.



Таня АЛЕКСАНДРОВА.
Морко посёлко.




Марина СТЕПАНОВА.
Волжский, Упшер.



Ава изи эргыж деч йодеш:
– Пире гай шуженам манын ойлышыч. Молан от коч?
– Авай, пирын кешырым кочмыжым кушто ужынат?

Пример-влакым шотлыза.
Икгай вашмутан лышташ-влакым икгай тўс дене чиялтыза.



Задаче Кок йоча гитар дене шоктен, а икте – балалайке дене. Миша ден Печу, Печу ден Юра тўрлө инструмент дене шоктеныт гын, Юра мо дене шоктен?

Ўмылкаштым муза.



Пучымышым шолташ
Огеш кўл шўраш,
Вўдат, шинчалат.
Мастар тудо тугакшат.




Пушенгым йорыкта –
Вўдым авыра.
Огеш кўл товар.
Пўй тудын – пила гай.



Мурем шўлыкан.
Мурем ойган.
Ала йўдым онарем да,
Ала тылзышке ончем да.



В.СМИРНОВ ямдылен.



Чып-чып чывиге Печу агытан деч кочкаш йодеш. Шыдан пырче-влак тораште улыт. Агытанлан корным муаш полшыза.

Радамым шуйыза.

